



GREAT Wealth Enhancer¹

Penggalak pelaburan dan manfaat matang yang membantu anda mencapai impian untuk mengumpul kekayaan



Great Eastern Life Assurance (Malaysia) Berhad adalah ahli PIDM.

¹Manfaat-manfaat yang dibayar di bawah polisi/produk yang layak adalah dilindungi oleh PIDM sehingga had perlindungan. PERLINDUNGAN PIDM UNTUK MANFAAT YANG DIBAYAR DARIPADA BAHAGIAN UNIT POLISI/PRODUK INI ADALAH TERTAKLUK KEPADA SYARAT-SYARAT TERTENTU. Sila rujuk [Brosur Sistem Perlindungan Manfaat Takaful dan Insurans PIDM](#) atau hubungi Great Eastern Life Assurance (Malaysia) Berhad atau PIDM (layari www.pidm.gov.my).

Penggalak pelaburan dan manfaat matang yang membantu anda mencapai impian untuk mengumpul kekayaan



Kehidupan penuh dengan keterujaan – sama ada melibatkan kerjaya impian, memiliki rumah pertama, memulakan kehidupan berkeluarga atau membiayai pendidikan anak anda. Tidak kira apa matlamat anda, tingkatkan aspirasi anda dengan keputusan yang dibuat pada hari ini. Mulakan dengan GREAT Wealth Enhancer – pelan endowmen dengan bayaran terhad yang melindungi anda selama 15 atau 20 tahun bergantung pada tempoh pembayaran premium pilihan anda, dengan pelbagai manfaat sepanjang tempoh polisi.

Pelan ini mengukuhkan kewangan anda dengan bayaran yang tinggi melalui ciri penggalak pelaburan yang boleh dikeluarkan untuk memenuhi keperluan kewangan anda serta manfaat matang pada akhir tempoh polisi. Dengan memberikan anda sumber yang diperlukan untuk meneruskan kehidupan, pelan ini mempersiapkan anda dan orang tersayang untuk menempuh cabaran mendatang melalui bayaran dalam satu jumlah sekali gus sekiranya kematian atau hilang upaya total dan kekal (TPD) berlaku serta perlindungan tambahan sehingga 300% bagi kematian akibat kemalangan di luar Malaysia.

Mencapai Kejayaan aspirasi kehidupan dan kurangkan kerisauan anda dengan mendaftar untuk GREAT Wealth Enhancer hari ini.

Manfaat sepintas lalu



**Komitmen kewangan singkat
dengan pilihan perlindungan
selama 15 atau 20 tahun**



**Pendaftaran mudah tanpa
taja jamin perubatan**



**Perlindungan kewangan bagi
kejadian yang tidak dijangka**



**Perlindungan tambahan sehingga
300% bagi kematian
akibat kemalangan**



**Penggalak pelaburan tahunan yang
dibayar dari akhir tahun polisi
pertama dan seterusnya**



**Manfaat matang pada
akhir tempoh polisi**



**Dana unit
pilihan anda**



**Perlindungan tambahan
dengan rider pilihan**



Komitmen kewangan singkat dengan pilihan perlindungan selama 15 atau 20 tahun

GREAT Wealth Enhancer ditawarkan dengan pilihan tempoh pembayaran premium 6 tahun dengan perlindungan insurans selama 15 tahun atau 10 tahun, dengan perlindungan insurans selama 20 tahun. Pelan ini memberikan anda fleksibiliti untuk memilih tempoh perlindungan mengikut keperluan peribadi anda.

Nota: Tertakluk pada terma dan syarat.



Pendaftaran mudah tanpa taja jamin perubatan

Pelan ini didatangkan dengan ciri tanpa taja jamin perubatan, membolehkan anda mendaftar tanpa soalan kesihatan dan pemeriksaan perubatan.

Nota: Tertakluk pada terma dan syarat.



Perlindungan kewangan bagi kejadian yang tidak dijangka

Kehidupan dipenuhi dengan ketidakpastian, sebab itulah persediaan awal diperlukan bagi menghadapi kejadian tidak dijangka seperti kematian atau hilang upaya total dan kekal (TPD). Dengan GREAT Wealth Enhancer, orang tersayang anda akan menerima bayaran dalam satu jumlah sekali gus berdasarkan jadual di bawah, sekiranya kejadian berikut berlaku:

Tahun polisi	Kematian atau TPD akibat kemalangan	Kematian atau TPD bukan akibat kemalangan
1 - 2	- Manfaat Kematian Dijamin ⁽¹⁾; dan - Jumlah Nilai Pelaburan (TIV) (jika ada).	- Premium keseluruhan ⁽²⁾ yang telah dibayar sehingga terkini, ditolak penggalak pelaburan keseluruhan yang telah dikreditkan pada TIV; - Premium yang tidak diperuntukkan (jika ada) dan nilai unit yang telah diperuntukkan (jika ada) mengikut harga unit pada tarikh penilaian yang berikutnya
3 & ke atas		- Manfaat Kematian Dijamin ⁽¹⁾; dan - TIV (jika ada).

Nota: Tertakluk pada terma dan syarat.



Perlindungan tambahan sehingga 300% bagi kematian akibat kemalangan

Sekiranya kematian akibat kemalangan berlaku, pembayaran tambahan bersama manfaat kematian akan dibayar kepada keluarga anda iaitu:

Manfaat Kematian Akibat Kemalangan

Bagi kematian akibat kemalangan yang berlaku sebelum ulang tahun polisi pada umur 80 tahun hari jadi berikut



Kematian Akibat Kemalangan

Tambahan **100%** daripada Manfaat Kematian Dijamin ⁽¹⁾



Kematian Akibat Kemalangan (PENGANGKUTAN AWAM)

Tambahan **200%** daripada Manfaat Kematian Dijamin ⁽¹⁾



Kematian Akibat Kemalangan (DI LUAR MALAYSIA)

Tambahan **300%** daripada Manfaat Kematian Dijamin ⁽¹⁾

Nota:

- Manfaat bagi Kematian Akibat Kemalangan (Pengangkutan Awam) hanya akan dibayar jika kematian akibat kemalangan berlaku semasa berada dalam Pengangkutan Awam*; atau sebagai penumpang dalam lif atau lif elektrik atau akibat kebakaran sebarang teater atau pawagam, hotel atau bangunan awam lain yang mana hayat yang diasuranskan berada di situ semasa kebakaran bermula.
*Pengangkutan Awam bermaksud jenis pengangkutan berlesen seperti tersedia untuk masyarakat umum serta membawa penumpang yang membayar tambang dari satu tempat ke tempat lain mengikut jadual menggunakan laluan yang ditetapkan sebagai tujuan utama. Pengangkutan Awam termasuklah sebarang bas awam, teksi berlesen, kenderaan perkongsian daripada penyedia perkhidmatan berdaftar, limousin lapangan terbang, kereta api, monorel, pesawat komersial dan feri berlesen. Takrif ini tidak termasuk kereta kabel, sebarang bentuk pengangkutan yang disewa bagi perjalanan persendirian atau pengangkutan yang tidak berlesen.
- Jika kematian akibat kemalangan berlaku, Syarikat hanya akan membayar manfaat bagi Kematian akibat Kemalangan, Kematian akibat Kemalangan (Pengangkutan Awam) atau Kematian akibat Kemalangan (Di Luar Malaysia), mana yang berkenaan.
- Jika kematian akibat kemalangan berlaku semasa hayat yang diasuranskan menetap atau melancong di luar Malaysia melebihi sembilan puluh (90) hari berturut-turut, Syarikat hanya akan membayar manfaat bagi Kematian akibat Kemalangan atau Kematian akibat Kemalangan (Pengangkutan Awam), mana yang berkenaan.
- Manfaat ini tertakluk pada maksimum RM2,000,000 bagi setiap hayat di bawah polisi ini dan semua polisi yang lain (termasuk pelan asas dan rider, jika ada) yang menyediakan manfaat kemalangan seperti dikeluarkan Syarikat bagi saluran agihan ini ke atas hayat yang diasuranskan yang sama.
- Tertakluk pada terma dan syarat.



Penggalak pelaburan tahunan yang dibayar dari akhir tahun polisi pertama dan seterusnya

Adakah anda ingin memenuhi objektif kewangan dalam kehidupan? Pada akhir setiap tahun polisi, ciri penggalak pelaburan GREAT Wealth Enhancer menyediakan dana kewangan tambahan yang boleh dikeluarkan untuk memenuhi keperluan kewangan anda atau boleh juga ditinggalkan dalam simpanan Syarikat untuk potensi menerima bayaran yang lebih banyak apabila polisi matang. Penggalak pelaburan ini membayar suatu peratusan daripada premium tahunan keseluruhan⁽³⁾ pada akaun TIV anda seperti berikut:

Akhir tahun polisi	% daripada Premium Tahunan Keseluruhan ⁽³⁾	
	Tempoh Perlindungan	
	15 Tahun	20 Tahun
1 -10	12%	20%
11 -15		40%
16 -20	Tidak Berkenaan	

Nota: Tertakluk pada terma dan syarat.



Manfaat matang pada akhir tempoh polisi

Bagi meraikan tarikh matang polisi, anda akan menerima bayaran dalam satu jumlah sekali gus yang bersamaan amaun di bawah:

(i)

% daripada Premium Tahunan Keseluruhan ⁽³⁾	
Tempoh Perlindungan	
15 Tahun	20 Tahun
680%	1150%

(ii) termasuk TIV (jika ada);

(iii) ditolak Penggalak Pelaburan Keseluruhan yang telah dikreditkan pada TIV.

Nota: Tertakluk pada terma dan syarat.



Dana unit pilihan anda

Komponen Berkaitan Pelaburan GREAT Wealth Enhancer memberikan anda akses pada dana yang diuruskan secara profesional. Anda bebas untuk memilih dana yang sesuai dengan tahap risiko dan gaya pelaburan anda.

Keterangan Dana

Pilihan dana hendaklah berdasarkan beberapa faktor, antaranya toleransi anda terhadap risiko. Sila rujuk kepada ejen anda ataupun Syarikat untuk mengetahui jenis dana yang bersesuaian dengan toleransi anda terhadap risiko.

Caj pengurusan dana tidak dijamin dan mungkin berubah dari semasa ke semasa dan anda akan menerima notis bertulis 3 bulan terlebih dahulu. Dana yang sedia ada adalah:

Dana	Penerangan Dana	Caj Pengurusan Dana (tahunan)
Dana Lion Balanced	Dana yang melabur dalam campuran ekuiti (julat di antara 40% hingga 60%) dan sekuriti pendapatan tetap. Dana ini bertujuan untuk menyediakan kenaikan nilai modal jangka pertengahan hingga jangka panjang, pada tahap mudah ubah sederhana.	1.00%
Dana Lion Fixed Income	Dana yang melabur dalam sekuriti pendapatan tetap seperti bon kerajaan dan korporat serta dalam bentuk tunai dan setara dengan tunai. Dana ini bertujuan untuk menyediakan pulangan yang konsisten pada tahap mudah ubah rendah. Walaupun sebahagian besar pelaburan dana dijalankan di Malaysia (40% hingga 100%), sebahagiannya mungkin dilaburkan dalam sekuriti pendapatan tetap asing (sehingga 50%), bagi meningkatkan pulangan dana.	0.50%
Dana Lion Progressive	Dana yang melabur dalam campuran ekuiti (julat di antara 50% hingga 90%) dan sekuriti pendapatan tetap. Dana ini bertujuan untuk menyediakan kenaikan nilai modal jangka pertengahan hingga jangka panjang, pada tahap mudah ubah sederhana hingga tinggi.	1.35%
Dana Sejati	Dana yang melabur dalam sekuriti pendapatan tetap yang diluluskan Syariah, contohnya sukuk kerajaan dan korporat serta dilaburkan dalam kertas/deposit pasaran mata wang Islam. Dana ini bertujuan untuk menyediakan pulangan yang konsisten pada tahap mudah ubah rendah. Walaupun sebahagian besar pelaburan dana dijalankan di Malaysia (40% hingga 100%), sebahagiannya mungkin dilaburkan dalam sekuriti pendapatan tetap asing yang diluluskan Syariah (sehingga 50%), bagi meningkatkan pulangan dana.	0.50%
Dana Lion Enhanced Equity	Dana yang mana 80% hingga 100% pelaburan terdiri daripada ekuiti. Dana ini bertujuan untuk menyediakan kenaikan nilai modal jangka pertengahan hingga jangka panjang. Walaupun sebahagian besar pelaburan dana dijalankan di Malaysia (50% hingga 100%), sebahagiannya akan melabur dalam syarikat yang mempunyai operasi perniagaan yang signifikan di Singapura (sehingga 25%) dan Greater China (Tanah Besar China, Hong Kong, Makau dan Taiwan) (sehingga 25%), jika dan apabila perlu, bagi meningkatkan pulangan dana.	1.50%
Dana Gemilang	Dana yang mana 80% hingga 100% pelaburan terdiri daripada ekuiti. Dana ini bertujuan untuk menyediakan kenaikan nilai modal jangka pertengahan hingga jangka panjang. Walaupun sebahagian besar pelaburan dana dijalankan di Malaysia (50% hingga 100%), sebahagiannya akan melabur dalam syarikat yang mempunyai operasi perniagaan yang signifikan di Singapura (sehingga 25%) dan Greater China (Tanah Besar China, Hong Kong, Makau dan Taiwan) (sehingga 25%), jika dan apabila perlu, bagi meningkatkan pulangan dana. Dana ini hanya melabur dalam sekuriti patuh Syariah.	1.50%

Dana	Penerangan Dana	Caj Pengurusan Dana (tahunan)
Dana Lion Small Mid Cap	Dana yang mana 60% hingga 100% pelaburan terdiri daripada ekuiti dengan baki dalam tunai dan/atau bersamaan tunai, yang boleh mudah ubah dalam jangka pendek. Dana ini bertujuan untuk menyediakan kenaikan nilai modal jangka pertengahan hingga jangka panjang, membuat pelaburan dalam ekuiti Pasaran Modal Sederhana dan Kecil di Malaysia (50% hingga 100%) ("Small Mid Cap"). Sebahagian pelaburan mungkin dijalankan dalam ekuiti Pasaran Modal Sederhana dan Kecil asing (Asia Pasifik tidak termasuk Jepun) jika dan apabila perlu, bagi meningkatkan pulangan dana.	1.40%
Dana Lion Advanced Strategic	Dana yang melabur dalam campuran ekuiti, sekuriti pendapatan tetap dan instrumen pasaran wang di Malaysia serta syarikat yang mempunyai pengurusan perniagaan ketara di Asia. Terdapat fleksibiliti dalam peruntukan aset memandangkan dana ini boleh melabur secara tunggal dalam sekuriti pendapatan tetap atau ekuiti. Skim pelaburan kolektif seperti unit amanah, dana bersama dan dana dagangan bursa yang melabur dalam jenis aset demikian mungkin dipertimbangkan. Dana ini bertujuan untuk memaksimumkan kenaikan nilai modal dalam jangka pertengahan hingga jangka panjang sambil mengurangkan risiko dan/atau meningkatkan pulangan melalui pertukaran jenis aset secara tepat dan dinamik dalam pelbagai pasaran pada bila-bila masa.	1.35%
Dana Lion ASEAN	Dana yang mana 80% hingga 100% pelaburan terdiri daripada ekuiti. Dana ini bertujuan untuk memaksimumkan kenaikan nilai modal dalam jangka pertengahan hingga jangka panjang sambil mengurangkan risiko dan/atau meningkatkan pulangan melalui pertukaran jenis aset dalam pasaran ASEAN pada waktu yang bertepatan serta dinamik pada bila-bila masa. Baki nilai aset bersih bagi dana akan dilaburkan dalam instrumen pasaran wang jangka pendek domestik termasuklah tunai. Skim pelaburan kolektif seperti unit amanah, dana bersama dan dana dagangan bursa yang melabur dalam jenis aset demikian mungkin dipertimbangkan.	1.50%
Dana Lion US-i	Dana yang diuruskan secara pasif dan menasaskan untuk mengesan prestasi S&P500 dalam jangka pertengahan hingga jangka panjang (strategi pengindeksan), yang boleh mudah ubah dalam jangka pendek. Dana ini bertujuan untuk menyediakan kenaikan nilai modal jangka pertengahan hingga jangka panjang.	0.75%
Dana Lion UK-i	Dana yang diuruskan secara pasif dan menasaskan untuk mengesan prestasi FTSE100 dalam jangka pertengahan hingga jangka panjang (strategi pengindeksan), yang boleh mudah ubah dalam jangka pendek. Dana ini bertujuan untuk menyediakan kenaikan nilai modal jangka pertengahan hingga jangka panjang.	0.75%
Dana Lion AU-i	Dana yang diuruskan secara pasif dan menasaskan untuk mengesan prestasi S&P/ASX200 dalam jangka pertengahan hingga jangka panjang (strategi pengindeksan), yang boleh mudah ubah dalam jangka pendek. Dana ini bertujuan untuk menyediakan kenaikan nilai modal jangka pertengahan hingga jangka panjang.	0.75%

Dana	Penerangan Dana	Caj Pengurusan Dana (tahunan)
Dana Lion Equity Global Sustainability	Dana penyuap yang menyasarkan untuk memaksimumkan pulangan keseluruhan melalui kepelbagaian pasaran ekuiti global dan penyertaan dalam pertumbuhan dinamik bagi pasaran modal dunia. Dana ini diuruskan secara konsisten dalam pelaburan dengan penerapan prinsip Alam Sekitar, Sosial dan Tadbir Urus. Dana ini bertujuan untuk memperoleh keuntungan sekurang-kurangnya 80% daripada pendedahan pelaburan terhadap sekuriti ekuiti bagi syarikat bermastautin atau perniagaan utama yang berada di negara maju. Sekuriti berkaitan ekuiti termasuk instrumen derivatif kewangan. Dana ini boleh melabur dalam instrumen pasaran wang (MMI), deposit dan tunai, jika ditentukan sebagai bersesuaian. MMI mungkin diterbitkan kerajaan, agensi kerajaan, syarikat dan supranasional, serta mungkin dengan taraf pelaburan, taraf bukan pelaburan atau tiada penarafan semasa pembelian.	1.50%

Nota:

- i. Walaupun Dana Gemilang dan Dana Sejati melabur dalam sekuriti patuh Syariah, pelan insurans yang melabur dalam dana tersebut tidak diklasifikasikan sebagai produk berlandaskan Syariah.
- ii. Tertakluk pada terma dan syarat.

Nota kaki:

⁽¹⁾ Manfaat Kematian Dijamin ialah premium keseluruhan⁽²⁾ yang telah dibayar sehingga terkini tanpa faedah, termasuk Jumlah Asurans Tambahan⁽⁴⁾ ditolak penggalak pelaburan keseluruhan yang telah dikreditkan pada TIV.

⁽²⁾ Premium Keseluruhan ialah premium pelan asas tidak termasuk sebarang premium rider dan premium yang telah dibayar terlebih dahulu.

⁽³⁾ Premium tahunan keseluruhan ialah premium keseluruhan pelan asas yang perlu dibayar untuk satu tahun polisi, tidak termasuk premium rider.

⁽⁴⁾ Jumlah Asurans Tambahan:

% daripada Premium Keseluruhan ⁽²⁾ yang Telah Dibayar Sehingga Terkini	Tempoh Perlindungan	
	15 Tahun	20 Tahun
5%	Tahun Polisi ke-13	Tahun Polisi ke-18
10%	Tahun Polisi ke-14	Tahun Polisi ke-19
20%	Tahun Polisi ke-15	Tahun Polisi ke-20

Gambaran Keseluruhan Manfaat

Bagaimana GREAT Wealth Enhancer berfungsi:



Gambaran

Jason, lelaki, berumur 35 tahun, ingin pengumpulan kekayaannya dengan membeli GREAT Wealth Enhancer

Premium Keseluruhan yang telah Dibayar:
RM100,000

(Jumlah Premium Tahunan sebanyak RM10,000 x 10 tahun)

Bagaimana pelan melindungi dia

Perlindungan insurans

Kematian

TPD

Kematian akibat kemalangan

Perlindungan berganda

Sehingga **300%** **Manfaat Kematian Dijamin** jika kematian akibat kemalangan berlaku

Memaksimumkan kekayaan dia

Penggalak Pelaburan

Dikreditkan pada TIV* semasa akhir setiap tahun polisi, seperti berikut:

Tahun Polisi	Amaun yang Dikreditkan
1 - 10	2,000
11 - 20	4,000

Manfaat matang

Sekiranya tiada kejadian yang tidak dijangka berlaku, dia akan menerima:

Manfaat matang dijamin
(1150% daripada jumlah premium tahunan ditolak penggalak pelaburan keseluruhan)

RM55,000
+
TIV* (berpotensi)
RM66,775 sehingga RM84,301

Ganjaran keseluruhan apabila matang:

(Manfaat Matang Dijamin + TIV*)

Berpotensi **RM121,775** sehingga **RM139,301**

Pulangan Tahunan** Anda:
Manfaat dijamin sahaja = -3.82% setahun
Manfaat keseluruhan bagi senario rendah (termasuk pembayaran tidak dijamin) = 1.27% setahun
Manfaat keseluruhan bagi senario tinggi (termasuk pembayaran tidak dijamin) = 2.15% setahun

Perlindungan untuk orang tersayang semasa tiada

Manfaat pengecualian premium

Menyertakan rider pilihan – **GREAT Wealth Enhancer Payer Rider** dengan premium tahunan tambahan sebanyak RM618 yang dibayar selama 10 tahun. Premium **GREAT Wealth Enhancer** akan dikecualikan sekiranya hilang upaya berlaku sebelum umur 70 tahun hari jadi berikut atau apabila berlaku kematian pembayar*

Nota:
*Jumlah Nilai Pelaburan ("TIV") merujuk pada pulangan yang merangkumi penggalak pelaburan serta sebarang potensi pulangan pelaburan. Unjuran pulangan bagi TIV adalah berdasarkan senario rendah (2% setahun) dan senario tinggi (5% setahun) bagi unjuran pulangan pelaburan kasar daripada dana berkaitan pelaburan yang dipilih-100% Dana Lion Fixed Income, dengan pembayaran secara tahunan. Sila ambil perhatian bahawa pulangan pelaburan adalah tidak dijamin.

**Jika anda ingin mendapatkan suatu polisi insurans dengan elemen simpanan, anda boleh membandingkan pulangan bagi polisi ini dengan pulangan berkesan bagi alternatif pelaburan yang lain.
Contoh di atas untuk tujuan ilustrasi sahaja dan tidak menunjukkan atau dianggap sebagai kemungkinan pulangan dan tertakluk pada terma dan syarat.



Perlindungan tambahan dengan rider pilihan

Anda boleh menambah rider pilihan pada polisi anda sebagai suatu lapisan perlindungan tambahan.

Antara rider yang anda boleh pilih ialah:

- Great Wealth Enhancer Payer
Mengetepikan premium sekiranya kematian atau hilang upaya berlaku kepada pembayar. Namun, jika hilang upaya atau kematian bukan akibat kemalangan berlaku dalam tempoh 2 tahun polisi pertama, Syarikat hanya akan membayar balik premium keseluruhan yang telah dibayar bagi rider.
- CI Premium Waiver Rider
Mengetepikan premium sekiranya penyakit kritikal berlaku kepada hayat yang diasuranskan.
- Payer Waiver Extra Rider
Mengetepikan premium sekiranya kematian, hilang upaya atau penyakit kritikal berlaku kepada pembayar.

Nota:

- i. GREAT Wealth Enhancer dan GREAT Wealth Enhancer Payer tidak tertakluk pada taja jamin perubatan, namun CI Premium Waiver Rider dan Payer Waiver Extra Rider adalah tertakluk pada keperluan taja jamin Syarikat yang berkenaan.*
- ii. Tertakluk pada terma dan syarat.*

Soalan lazim

S: Siapakah yang boleh memohon?

J: Umur kemasukan minimum ialah mencapai umur 14 hari dan umur kemasukan maksimum ialah 65 tahun hari jadi berikut.

S: Apakah premium tahunan keseluruhan minimum dan maksimum untuk pelan ini?

J:	Tempoh Pembayaran Premium	6 Tahun	10 Tahun
	Minimum	RM6,000	RM3,000
	Maksimum	RM100,000	

Nota: Tertakluk pada terma dan syarat.

S: Apakah pengecualian bagi pelan ini?

- J: Tiada manfaat akan dibayar di bawah keadaan berikut:
- Kematian semasa tahun polisi pertama dari tarikh permulaan risiko atau tarikh sebarang penguatkuasaan semula polisi, mana yang kemudian, disebabkan bunuh diri, ketika waras atau tidak waras.
 - TPD akibat kecederaan yang dilakukan sendiri secara langsung atau tidak langsung, ketika waras atau tidak waras.
 - TPD sedia wujud sebelum tarikh permulaan risiko bagi polisi atau tarikh sebarang penguatkuasaan semula, mana yang kemudian.
 - Manfaat kematian akibat kemalangan jika kematian hayat yang diasuranskan tidak berlaku dalam tempoh 90 hari dari tarikh kemalangan.

Nota: Pengecualian yang dinyatakan di atas adalah tidak menyeluruh. Huraian penuh boleh didapati daripada dokumen polisi.

S: Bagaimanakah saya boleh membuat bayaran?

J: Anda boleh bayar menggunakan perbankan internet, kad kredit, JomPAY, ePay, atau tunai/cek melalui Bank Pemungut (menerusi kaunter bayaran, ATM dan mesin deposit cek). Anda mempunyai fleksibiliti untuk membayar premium secara tahunan, setengah tahunan, suku tahunan atau bulanan. Namun, cek dan tunai tidak dibenarkan bagi bayaran secara bulanan.

S: Berapakah yuran dan caj semasa?

J: Anda boleh merujuk pada Keterangan Dana untuk maklumat berkenaan caj pengurusan dana. Tiada yuran dan caj lain yang berkenaan.

Nota: Perubahan yuran dan caj boleh dilakukan pada ulang tahun polisi dan anda akan menerima notis bertulis 3 bulan terlebih dahulu.

S: Adakah saya layak menerima manfaat cukai?

J: Manfaat yang diterima daripada GREAT Wealth Enhancer tidak dikenakan cukai dan premium yang dibayar mungkin layak mendapat pelepasan cukai. Anda boleh menikmati pelepasan cukai pendidikan sebagai tambahan daripada pelepasan cukai bagi insurans hayat dan Kumpulan Wang Simpanan Pekerja (KWSP), dengan syarat memenuhi kriteria. Namun, manfaat cukai tertakluk pada Akta Cukai Pendapatan Malaysia, 1967, dan keputusan muktamad Lembaga Hasil Dalam Negeri.

Notis penting

GREAT Wealth Enhancer merupakan pelan endowment dengan bayaran terhad tanpa penyertaan dalam keuntungan dengan ciri berkaitan pelaburan, iaitu penggalak pelaburan akan dikreditkan pada jumlah nilai pelaburan dengan membeli unit dalam dana berkaitan pelaburan yang dipilih. GREAT Wealth Enhancer Payer ialah rider pilihan tanpa penyertaan dalam keuntungan yang boleh dilampirkan pada GREAT Wealth Enhancer. Sebahagian daripada pilihan dana melabur dalam sekuriti yang diluluskan Syariah. Namun begitu, produk ini tidak berlandaskan Syariah. **Jumlah nilai pelaburan adalah berlandaskan prestasi yang mendasari aset dan bukan suatu produk pelaburan sebenar seperti unit amanah.** Premium dibayar sehingga akhir tempoh pembayaran premium atau sehingga kematian atau TPD atau penamatan polisi, mana yang berlaku dahulu. Premium akan kekal sama sepanjang tempoh pembayaran premium.

Anda seharusnya berpuas hati bahawa pelan ini akan memenuhi keperluan anda dengan sebaiknya dan premium yang dibayar di bawah polisi adalah amaun yang anda mampu bayar. Satu tempoh memerhati bebas selama 15 hari diberi kepada anda untuk meneliti kesesuaian pelan. Jika polisi dikembalikan kepada Syarikat dalam tempoh ini, Syarikat akan membayar balik suatu amaun yang bersamaan dengan:

- premium keseluruhan yang telah dibayar tanpa faedah termasuk premium rider (ditolak dengan perbelanjaan yang ditanggung untuk pemeriksaan perubatan, jika ada); dan
- premium yang tidak diperuntukkan (jika ada) dan nilai unit yang telah diperuntukkan (jika ada) berdasarkan harga unit pada tarikh penilaian yang berikutnya.

Nilai aset bersih ialah harga tunggal apabila pemilik polisi membeli unit dalam suatu dana unit dan menjual kembali unit pada dana unit. Jika anda menukar polisi insurans anda dari sebuah syarikat ke sebuah syarikat lain atau jika anda menukar polisi anda dengan polisi lain dalam syarikat yang sama, anda dikehendaki untuk menghantar borang cadangan yang mana penerimaan cadangan anda tertakluk pada terma dan syarat yang akan dikenakan semasa penukaran atau penggantian polisi.

Polisi tidak mempunyai nilai tunai minimum yang dijamin semasa penamatan sehingga anda telah membayar premium selama dua tahun. Penamatan awal polisi melibatkan kos yang tinggi dan nilai penarikan balik jumlah nilai pelaburan adalah berdasarkan nilai pasaran semasa bagi aset yang mendasari dana unit. Oleh itu, **jika anda menyerahkan polisi lebih awal, anda mungkin mendapat kurang daripada amaun yang anda telah bayar.** Jumlah nilai pelaburan mungkin naik atau turun, berdasarkan prestasi yang mendasari dana. **Prestasi dana adalah tidak dijamin.** Risiko pelaburan akan ditanggung sepenuhnya oleh pemilik polisi. Prestasi sebenar yang terdahulu bukan panduan untuk prestasi akan datang, kerana ia mungkin berbeza.

Jika anda berhenti membayar premium sebelum akhir tempoh pembayaran premium, pinjaman premium automatik akan berkuat kuasa di bawah polisi anda untuk membayar premium pada masa depan asalkan nilai tunai melebihi jumlah hutang. Syarikat akan mengenakan faedah bagi pinjaman di atas pada kadar faedah yang ditentukan Syarikat dari semasa ke semasa. Kadar faedah semasa boleh didapati pada laman sesawang rasmi Syarikat. Pemberhentian pembayaran premium sebelum akhir tempoh pembayaran premium mungkin menyebabkan perlindungan ditamatkan lebih awal.

Anda mempunyai pilihan untuk meningkatkan nilai pelaburan polisi anda melalui penambahan premium tunggal, tertakluk pada minimum sebanyak RM1,000 bagi setiap penambahan, dengan syarat segala premium dan hutang telah dibayar.

95% daripada penambahan premium tunggal akan digunakan untuk membeli unit pelaburan. Baki 5% penambahan premium tunggal yang tidak diperuntukkan untuk membeli unit akan digunakan untuk membayar komisen kepada pengantara dan perbelanjaan am Syarikat. Syarikat berhak menanggung pengeluaran atau penebusan unit, dalam keadaan yang dianggap terkecuali.

Risalah ini hanyalah untuk maklumat am sahaja. Ia bukan satu kontrak insurans. Anda dinasihatkan untuk merujuk Ilustrasi Jualan, Risalah Pernyataan Dana, Risalah Pemberitahuan Produk dan contoh dokumen polisi bagi mendapatkan maklumat terperinci berkenaan ciri penting dan manfaat pelan sebelum membeli pelan ini. Pengecualian dan had manfaat yang dinyatakan di atas adalah tidak menyeluruh. Untuk maklumat lanjut, rujukan harus dibuat pada terma dan syarat yang dinyatakan dalam polisi yang dikeluarkan Great Eastern Life.

Jika terdapat percanggahan antara versi Bahasa Inggeris, Bahasa Malaysia dan Bahasa Cina untuk risalah ini, versi Bahasa Inggeris akan digunakan.

Istilah "Great Eastern Life" dan "Syarikat" merujuk kepada Great Eastern Life Assurance (Malaysia) Berhad.

Untuk maklumat lanjut, sila hubungi Ejen Great Eastern anda atau Customer Service Careline di 1300-1300 88.

PEJABAT CAWANGAN

Alor Setar

66 & 68, Jalan Teluk Wan Jah
05200 Alor Setar, Kedah

Batu Pahat

109, Jalan Rahmat
83000 Batu Pahat, Johor

Bintulu

No.313, Lot 3956, Phase 4
Bintulu Parkcity Commerce Square
Jalan Tun Ahmad Zaidi/
Jalan Tanjung Batu
97000 Bintulu, Sarawak

Ipoh

Wisma GREAT Eastern
16, Persiaran Tugu
Greentown Ave
30450 Ipoh, Perak

Johor Bahru

Wisma GREAT Eastern
02-01, Blok A
Komersil Southkey Mozek
Persiaran Southkey 1
Kota Southkey
80150 Johor Bahru

Klang

No. 8 & 10, Jalan Tiara 2A
Bandar Baru Klang
41150 Klang, Selangor

Kluang

No. 22 & 24
Jalan Md Lazim Saim
86000 Kluang, Johor

Kota Bharu

No. S25/5252-T & U
Jalan Sultan Yahya Petra
15200 Kota Bharu, Kelantan

Kota Kinabalu

Wisma GREAT Eastern
Level 4 & 5, No. 65 Jalan Gaya
88000 Kota Kinabalu, Sabah

Kuala Terengganu

2nd Floor, 6F
Bangunan Persatuan Hin Ann
Jalan Air Jernih,
20300 Kuala Terengganu,
Terengganu

Kuantan

A25, Jalan Dato Lim Hoe Lek
25200 Kuantan, Pahang

Kuching

House No. 51, Lot 435
Section 54, KTLD
Travilion Commercial Centre
Jalan Padungan
93100 Kuching, Sarawak

Lahad Datu

Ground & 1st Floor
MDLD 3804, Lot 66
Fajar Centre, Jalan Segama
91100 Lahad Datu, Sabah
Fax: 089-884 226

Melaka

No. 23, Jalan PM 15
Plaza Mahkota
75000 Melaka

Miri

Lots 1260 & 1261
Block 10, M.C.L.D,
Jalan Melayu
98000 Miri, Sarawak

Penang

25, Light Street
10200 Penang

Sandakan

Lot 5 & 6, Block 40
Lorong Indah 15
Bandar Indah, Phase 7
Mile 4, North Road
90000 Sandakan, Sabah

Seremban

101 & 103, Jalan Yam Tuan
70000 Seremban,
Negeri Sembilan

Sibu

No. 10 A-F
Wisma GREAT Eastern
Persiaran Brooke
96000 Sibu, Sarawak

Taiping

133A, Jalan Barrack
34000 Taiping, Perak

Tawau

Ground Floor
Wisma GREAT Eastern
Jalan Billian
91000 Tawau, Sabah

Mencapai Kejayaan

IBU PEJABAT

Great Eastern Life Assurance (Malaysia) Berhad 198201013982 (93745-A)

Menara Great Eastern, 303 Jalan Ampang, 50450 Kuala Lumpur

☎ **03-4259 8888**

☎ **03-4259 8000**

✉ **wecare-my@greateasternlife.com**

🖱 **www.greateasternlife.com**

Great Eastern Life Assurance (Malaysia) Berhad 198201013982 (93745-A)
dilesenkan di bawah Akta Perkhidmatan Kewangan 2013 dan dikawal selia oleh
Bank Negara Malaysia.

Untuk maklumat lanjut, sila layari laman sesawang Syarikat.